

藝文志十五

湖北通志卷九十五

外編一

諸家合撰書一

標題以湖北人為主

東觀漢記一百四十三卷漢劉珍等撰

隋書經籍志今存永樂大典輯本二十四卷

東觀漢記一百四十三卷起光武記注至靈帝長水校尉劉珍

等撰先是班固與陳宗尹敏孟異等共成光武本紀固撰後漢

事作列傳載記二十八篇其後劉珍劉毅劉陶

案此似劉伏無駟除之誤

忌等相次著述謂之漢記

同上案後漢書本傳云詔珍與駟駟作建武以來名臣傳當即是書

案東觀漢記隋志稱長水校尉劉珍等撰今考之范書珍未嘗

為長水校尉且是書於漢明帝時初修後遞有增續至熹平中

乃成書題劉珍撰亦非其實隋志稱書凡一百四十三卷而新

舊唐書志則云一百二十六卷又錄一卷蓋唐時已有闕佚自

志九十一

藝文十五

外編

一

章懷太子注范書盛行於代此書遂微北宋時尚有殘本四十

三卷趙希弁讀書附志邵博聞見後錄並稱其書乃高麗所獻

外已罕傳南宋中興書目則止存鄧禹吳漢賈復耿弇寇恂馮

異祭遵蓋延九傳共八卷陳振孫稱其所見本卷第凡十二而

闕第七第八二卷卷數雖似稍多而核其列傳之數亦止九篇

則固無異於書目所載也自元以來此書已佚永樂大典於鄧

吳賈耿諸韻中並無漢記一語則所謂九篇者明初即已不存

矣本朝姚之駟撰後漢書補逸蒐集遺文析為八卷往往掇拾

不盡挂漏殊多今據姚本以永樂大典各韻所載參考諸書補

其闕佚所增者幾十之六分為帝紀二卷年表一卷志一卷列

傳十七卷載記一卷其篇第無可考者別為佚文一卷而以漢

紀與范書異同附錄於末

四庫提要



長洲玉鏡四百卷隋柳詵等撰 續談助

大業二年六月學士祕書監柳顧言學士著作佐郎王冑等撰  
長洲玉鏡一部四百卷帝謂顧言曰此書原本出自華林徧略  
然無復可加事當典要其卷雖少其事乃多於徧略對曰梁主  
以隱士劉孝標撰類苑一百二十卷自言天下之事畢盡此書  
無一物遺漏梁武心不服即敕華林園學士七百餘人人撰一  
卷其事類數倍多於類苑今文籍又富梁朝是以取事多於徧  
略然梁朝學士取事意各不同如寶劍出自昆吾溪照人如照  
水切玉如切泥序劍者錄為劍事序溪者亦取為溪事撰玉者  
亦編為玉事以此重出是以卷多至於玉鏡則不然帝曰誠如  
卿說 案隋書北史柳詵傳皆不言詵領修是書隋志雜家長  
洲玉鏡長洲玉鏡二百二十八卷亦不著撰人舊唐志不  
載新唐志卷數與隋志同稱虞綽等撰考綽傳云與虞世南等  
撰長洲玉鏡等書十餘部蓋與詵同其事者至隋唐志卷數與

志九十一

藝文十五

外編

二

晁氏續談助  
不符俟考

大業正御書目錄九卷隋柳詵等撰

隋書經籍志

北史隋西京嘉則殿有書三十七萬卷煬帝命祕書監柳顧言  
等詮次除其重複猥雜得正御本三萬七千餘卷納於東都修  
文殿又寫五十副本簡為三品分置西京東都宮省官府其正  
御書皆裝翦華綺寶軸錦標於觀文殿前為書室四十間窗戶  
褥幔咸極珍麗 玉海 案隋志載是書不著撰人今考杜寶  
李延壽之言乃柳詵領其事也故據以錄之

周書五十卷唐岑文本等撰

唐書藝文志

太宗以文本為中書侍郎專典機密又先與令狐德棻撰周史  
其史論多出文本至貞觀十年史成 唐書本傳

高似孫曰德棻言周隋事多脫損乃命德棻與祕書郎岑文本  
殿中侍御史崔仁師撰次周史 史略

垂拱式二十卷又格十卷 新格二卷 散頒格三卷 留司格

六卷唐岑長倩等撰 唐書藝文志

秋官尚書裴居道夏官尚書同鳳閣鸞臺三品岑長倩等奉詔

撰加計帳句帳二式垂拱元年上新格武后製序 同

則天皇后寶錄三十卷唐岑羲等撰 文獻通考

神龍二年五月魏元忠武三思祝欽明徐彥伯柳冲韋承慶崔

融岑羲徐堅等修則天寶錄三十卷文集一百卷上之 唐會要

中宗寶錄二十卷唐岑羲等撰 唐書藝文志

初中宗時侍御史冉祖雍誣奏睿宗及太平公主與節愍太子

逆謀請加推究羲與中書侍郎蕭至忠密申保護及羲監修中

宗寶錄自書其事睿宗覽而大加賞歎賜物三百段良馬一匹

仍下制書褒美之 舊唐書本傳

志九十一

藝文十五

外編

三

太極格十卷唐岑羲等撰 唐書藝文志

睿宗即位戶部尚書岑羲等又著太極格 唐書刑法志

氏族錄唐岑羲等撰 唐書藝文志

羲於中宗神龍元年被命與柳冲同修姓氏錄 唐會要案

云義神龍初為中書舍人睿宗即位出為陝州刺史復歷刑部

戶部二尚書門下三品監修國史刪定格令仍修氏族錄自神

龍至景雲時逾六載書尚未成故義陝州召還仍預其事

御銓定漢書八十七卷唐郝處俊等撰 唐書藝文志

松陵集十卷唐皮日休陸龜蒙倡和之詩也考卷端日休之序

則編而成集者龜蒙題集名者日休也蓋其時蘇州刺史崔璞

辟日休為從事而龜蒙適以所業謁璞因得與日休相贈答進

士顏萱前廣文博士張賁進士鄭璧司馬都浙東觀察推官李

穀前進士崔瑛及處士魏朴羊昭業等亦相隨有作哀爲此集其中龜蒙日休之作三百四十二首璞及顏萱等僅詩三十一

首特附見而已

四庫全書提要

唐書二百二十五卷宋宋祁等撰

文獻通考

新唐書二百二十五卷翰林學士歐陽修端明殿學士宋祁撰初慶曆中詔王堯臣張方平等刊修久而未就至和初乃命修爲紀志祁爲列傳范鎮王疇宋敏求呂夏卿劉義叟同編修嘉祐五年上之凡廢傳六十一增傳三百三十一

書錄解題

宋景文公始獨撰史歲月雖久而書蓋將成後歐陽公分撰紀志今與景文所撰列傳共行於世是也然景文亦自撰紀志家

藏其稿世莫得見

史塵

祁雖作百五十傳亦曾自作紀志今宋氏後居華亭者有是書

志九十一

藝文十五

外編

四

略史

三史刊誤四十五卷宋宋祁等撰

宋史藝文志

天聖令文三十卷宋宋庠等撰

宋史藝文志

天聖中宋庠龐籍受詔改修唐令參以今制而成凡二十一門官品一戶二祠三選舉四考課五軍防六衣服七儀制八鹵簿九公式十田十一賦十二倉庫十三廐牧十四關市十五捕亡十六醫疾十七獄官十八營繕十九喪葬二十雜二十一

郡齋讀書志

藉田記宋張士遜宋祁等撰

光化志

明道二年二月丁未祀先農行藉田禮五月丙子命宰臣張士遜撰藉田及恭謝太廟記以翰林學士馮元爲編修官直史館宋祁爲檢討官旣而宋祁言皇太后謁廟事不可爲後世法乃

命止撰藉田記通鑑長編

咸平館閣圖籍目錄宋朱昂等撰荆州府志

咸平元年十一月以三館祕閣書籍歲久不治詔朱昂杜鎬與

劉承珪整比著為目錄玉海

慶曆崇文總目六十六卷序錄一卷宋宋庠宋祁等撰安陸府志

景祐元年閏六月以三館祕閣所藏有繆濫不全之書辛酉命

翰林學士張觀知制誥李淑宋祁將館閣正副本書看詳定其

存廢譌謬重複並從刪去內有差漏者今補寫校對做開元四

部錄約國史藝文志著為目錄慶曆元年撰成上之玉海案

有謝崇文總目加恩表祁景文集有謝書目成加階勳表庠表  
有云首膺遷擢最買歲時伏蒙垂覽新書嘉聞善職追念編摩  
之久靡遺尺寸之勤祁表則曰雖片詞殘牒時竄左文且雜語  
諸家尚悉全載似皆久於其事而祁則又似雜史雜家諸類為  
所職掌者今有館閣輯本十二卷嘉定錢東  
垣輯本五卷而其中庠祁之說渺不可見矣

志九十一 藝文十五 外編 五

初祕書丞余靖上言國子監所收史記漢書誤請行校正詔翰

林學士張觀知制誥李淑宋祁與靖洎直講王洙於崇文院讎

對靖等悉取三館諸本及先儒注解訓傳六經小說字林說文

之類數百家之書以相參校凡所是正增損數千言尤為精備

逾年而上之靖等又自錄其讎校之說別為刊誤四十五卷崇文

總目

宋景文公祁參校漢書凡增七百四十一字損二百一十二字

改正一千三百三十九字史略

景祐廣樂記八十一卷宋宋祁等撰文獻通考卷數據宋志

景祐廣樂記八十卷翰林侍講學士馮元等撰景祐元年判太

常寺燕肅言鐘律不調欲以王朴律準更加考詳詔宋祁與集

賢校理李照共領其事照言朴律太高遂欲改定大樂制管鑄

鐘並引校理聶冠卿為檢討官又詔元等修撰樂書為一代之

典三年七月書成然未幾照樂廢不用書錄解題案李燾續通鑑長編景祐三年七月

月戊子太常博士直史館宋祁等上廣樂記八十一卷宋志亦作八十一卷東都事略云六十五卷書錄解題云八十卷者似誤宋景文集內有論以尺定律一篇當為是書之緣起也

晏殊張士遜笑臺詩一卷宋張士遜晏殊撰宋史藝文志

南健唱和詩集一卷宋吳中復吳祕張谷撰宋史藝文志

紹聖三公詩三卷宋馮京等撰宋史藝文志

司馬光歐陽修馮京所著同上

順宗實錄一卷元程鉅夫等撰補元史藝文志

皇慶元年十月學士程鉅夫待制元明善進同上

成宗實錄五十六卷事目十卷元程鉅夫等撰元史本傳

皇慶元年翰林學士程鉅夫修撰鄧文原待制元明善進補元史藝文志

志九十一

藝文十五 外編

文志

武宗實錄五十卷事目七卷元程鉅夫等撰元史本傳

皇慶元年翰林學士承旨程鉅夫待制元明善修撰楊載進補元史藝文志

史藝文志

成宗制誥錄七卷 武宗制誥錄三卷元程鉅夫等編補元史藝文志案

此二書錢氏補志分繫於兩朝實錄之後蓋與實錄同時奏進者

高皇實錄明廖昇等撰明史藝文志

建文初修太祖實錄董倫王景為總裁官昇與高遜志為副總

裁官李貫王紳胡子昭楊士奇羅恢程本立為纂修官明史

張乖厓事文錄四卷明顏端等撰嘉慶志

明顏端徐瀚同編端應山人官成都縣教諭瀚杭州人官華陽

縣教諭前有文安邢表序蓋弘治三年表為四川左布政使以

張詠爲蜀名宦故屬二人輯錄此編一卷爲本傳及事實二卷爲遺文十三篇三卷四卷爲同時贈答及後人祠記祭文之類詠全集尙有傳本端等未見故所輯頗挂漏焉

四庫  
存目

皇明寶訓實錄明張居正等撰

明史藝文志

帝初政居正嘗撰古治亂事百餘條繪圖以俗語解之使帝易曉至是復率儒臣紀太祖列聖寶訓實錄分類成書凡四十目曰創業艱難曰勵精圖治曰勤學曰敬天曰法祖曰保民曰謹祭祀曰崇孝敬曰端好尙曰慎起居曰戒游逸曰正宮闈曰教儲貳曰睦宗藩曰親賢臣曰去奸邪曰納諫曰理財曰守法曰警戒曰務實曰正紀綱曰審官曰久任曰重守令曰馭近習曰待外戚曰重農桑曰興教化曰明賞罰曰信詔令曰謹名分曰卻貢獻曰慎賞賚曰敦節儉曰慎刑獄曰褒功德曰屏異端曰

志九十一

藝文十五

外編

七

飭武備曰禦戎狄請以經筵之暇進講帝優詔報許

明史  
本傳

世宗實錄五百六十六卷明張居正等撰

明史藝文志

隆慶中徐階等修未竣萬曆五年張居正等續修成之

同上

穆宗實錄七十卷明張居正等撰

明史藝文志

帝鑑圖說六卷明張居正等撰

明史藝文志

居正與呂調陽同撰調陽臨桂人明史有傳是編乃二人奏御之書取堯舜以來善可爲法者八十一事惡可爲戒者三十六事每事前繪一圖後錄傳記本文而爲之直解有隆慶六年十月二月進疏一篇蓋當神宗諒闇時也疏云善爲陽爲吉故數用九九惡爲陰爲凶故數用六六取唐宗以古爲鑑之語名之

四庫

存目 案存目載內府藏本無卷數蓋其原編明藝文志作六卷劉若愚酌中志呂毖明宮史並云帝鑑圖說六本三百五十六葉明志卽以本數爲卷數耳又案大治志云調陽字和卿本縣茅潭里人由廣西籍舉嘉靖十三年鄉試二十九年廷試第

二人累官建極殿大學士卒贈太保  
諡文簡據此則調陽亦湖北人也

吏部職掌明王篆等續修 嘉慶志

前編黃養蒙纂是編方九功王篆續修於嘉隆以前吏部制度沿革載之最悉蓋排纂案牘而為之猶今之六部則例也 四庫存目

玉林清賞集明汪穎編 嘉慶志

穎致仕家居三十餘年築室江南之野足迹不入城市太守袁定山祖唐時渡江訪之與為倡酬已乃哀集一時之作題曰玉

林清賞張居正為之序 荆州府志

萬曆四川總志三十四卷明魏樸如等撰 蒲圻志

魏樸如游樸童良同撰提學副使南海郭棐裁正之樸如題敘州府同知良題諸生皆不知其里貫樸福寧人萬曆甲戌進士成都府推官是書凡省志四卷郡縣志十四卷經略志附以雜

志九十一

藝文十五 外編

八

記共十四卷文八卷詩四卷其書於尹吉甫商瞿董永楊時之類舊志誤收者頗有駁正於趙戒張商英之類舊志溢美者亦頗有簡汰惟職官不載守令未免疏略而以先代帝紀列於前

亦非輿記之體也

四庫存目 案蒲圻志樸如字文可裳長子嘉靖辛酉舉人官衛輝府同知再補敘州安慶擢守澂江以副使致仕明史志郭棐四川通志三十六卷存目標題三十四卷而所列諸目則四十四卷互異未詳孰是

八閩全書明林羅材等修 江夏志

羅材字徵卿江夏人少為諸生以文學受知於司李熊心開及江夏令徐子卿後熊為閩撫徐為漳南道聘修是書 同上

貴州通志四十六卷清靖道謨撰 嘉慶志

大學士鄂爾泰等監修其書與雲南通志同時纂次司其事者亦姚州知州靖道謨繼之者則仁懷知縣杜恠也其視各省通志成書最後至乾隆六年刊刻始竣總督管巡撫事張廣泗表



上之四庫提要 案道謨 雲南通志已入前編

壺關縣志十八卷清秦之柄續修漢川志

之柄以乾隆三十四年任壺關知縣前令楊某修志未及竣事因取其稿增益參訂序而刻之同

浙西水利備考八卷清帥承瀛撰黃州府志

道光元年承瀛官浙江巡撫三年秋江浙七郡大水被災特重蠲免賑濟以千萬計因講求水利檄屬履勘纂為是書領其事者婺源王鳳生也光緒四年重刊不分卷析為四冊凡東南七府三江杭嘉湖三府州縣水道圖說綜二十有八附太湖圖烏程長興溇港全圖南昌梅啟照為之序采訪冊

兩淮鹽法志一百六十卷清王定安等重修刊本

兩淮鹽法志自康熙三十二年至嘉慶十一年凡四修其後改

志九十一

藝文十五 外編

九

綱為票又經寇亂今昔情形迥然不同光緒十五年兩江總督奏請設局續修以江蘇候補道王定安專司總纂踰三載書成總督劉坤一奏上之采訪冊

以上凡四十三部

紀載湖北事實書二

荆州星占二卷漢劉表撰唐書藝文志 表官績有傳

唐志於劉叡荆州星占外別出劉表荆州星占二卷據晉書天

文志則劉叡書即劉表書唐志誤分之補後漢書藝文志 案

星占二卷劉表撰又二十卷劉叡撰藝文志劉表荆州星占二卷劉叡荆州星占二十卷皆連書非重出者其卷數亦各不相同未可以晉志之說斷為誤分也叡書至宋僅存一卷見通志略表書二卷至宋史猶載之又星經一卷又一部三卷似皆別本異名亦各為一書之明證特莫詳其書之真偽耳

荆州星占二十卷漢劉叡撰舊唐書經籍志 叡里籍未詳

晉天文志中漢末劉表為荊州牧命武陵太守劉叡集天文眾  
占名荊州星占其雜星之體有瑞星有妖星有客星有流星有  
瑞氣有妖氣有日月旁氣通志藝文略荊州劉石甘巫占一卷  
漢荊州牧劉表命武陵太守劉意集甘石巫咸等之古今存一  
卷劉叡作劉意崇文總目亦同未詳孰是案通志略承總目之  
異文是當從兩唐書  
及晉天文志續漢書天文志注及御覽卷七屢引荊州星占又卷  
四引一條皇后救月蝕儀補後漢書  
藝文志

何顥使君家傳一卷漢撰人未詳隋書經籍志

御覽卷四百四十四七百二十二俱引何顥別傳疑即此書也  
其文云顥有人倫鑒同郡張仲景總角造顥顥謂曰君用思精  
而韻不高後將為良醫卒如其言補後漢書藝文志  
案新舊  
唐志並作何顥傳一卷與隋

志小異章宗源考證以  
為隋志不著錄者誤也

志九十一

藝文十五

外編

孟宗別傳吳撰人未詳初學記  
隋志不著錄

御覽卷二百六十一引孟宗別傳云宗為豫章太守人思其惠  
路有行歌故時人之生以孟為名又八百五十引之云宗為光  
祿勳大會醉吐麥飯察者以聞詔問食麥飯意宗答臣家足有  
米麥飯直愚臣所安是以食之案吳志孫皓傳注載宗事甚詳  
而獨無此二事補三國  
藝文志

沔南故事三卷晉應詹撰隋書經籍志

詹字思遠汝南南頓人鎮南大將軍劉弘詹之祖舅也請為長  
史仍委以軍政弘著績漢南詹之力也王澄為荊州假詹督南  
平天門武陵三郡軍事天門武陵蠻反詹討降之鎮南將軍山  
簡復假詹督五郡軍事元帝假詹建武將軍王敦又上詹監巴  
東五郡軍事賜爵潁陽侯晉書應詹傳  
案通志略又有征  
南故事三卷應詹撰似複出也

救襄陽上都府事一卷晉王愨期撰 唐書藝文志

桓宣鎮襄陽石季龍使騎七千渡沔攻之庾亮遣司馬王愨期

輔國將軍毛寶救宣賊解圍退走 晉書桓宣傳 案愨期里貫未詳嘗官南郡太守後以南

蠻校尉守江陵見晉書庾翼傳及桓宣傳

孟嘉別傳晉撰人未詳 藝文類聚

郭翻別傳晉撰人未詳 藝文類聚

二書隋唐志皆不著錄 隋志考證

楚國先賢傳贊十二卷晉張方撰 隋書經籍志

方里貫未詳新唐志無贊字舊唐志作先賢志題楊方撰案文

選應璩百一詩注引應休璉作百篇詩譏切時事藝文類聚禮

部引先王日祭月享時類歲祀語並稱張方楚國先賢傳無稱

楊方者世說德行篇注百里奚字井伯楚人仕虞晉欲假道奚

志九十一

藝文十五

外編

十一

諫不聽乃去初學記居處部熊宜僚隱居市南不屈於時太平

御覽鱗介部宋玉對楚王曰神龍朝發崑崙之墟暮宿於孟諸

據此所引乃上及春秋戰國裴松之章懷注史所引則皆漢魏

晉時事 隋志考證 案又有鄒閔之楚國先賢傳唐吳從政刪取其書以為襄沔記見書錄解題閔之不知何許人

荆州先賢傳三卷晉高範撰 舊唐書經籍志 案新唐書作一卷通志略作三卷與舊唐書同

範里貫未詳隋志不著錄北堂書鈔政術部周瑜以龐統有重

名召為功曹又呂乂為尚書令節儉自守又費禕使吳應機輒

對太平御覽地部羅獻守巴東對吳人曰城中土一撮不可得

並作荆州先德傳書鈔政術部董正舉孝廉負笈單步上還舉

板藝文部龐士元師事司馬德操與共談移日忘殮樂部羅獻

守巴東賦詩使人歌以慰城中人藝文類聚儀飾部羅獻以泰

始三年假節增鼓吹棨戟御覽人事部馬氏五常白眉最良俱

引荆州先賢傳

隋志考證

羊祜墮淚碑一卷晉李安撰

嘉慶志

祜樂山水每風景必造峴山置酒言詠終日不倦嘗慨然歎息顧從事鄒湛等曰自有宇宙便有此山由來賢達勝士登此遠望如我與卿者多矣皆湮滅無聞使人悲傷如百歲後有知魂魄猶應登此也及卒襄陽百姓於現山祜平生游憩之所建碑立廟歲時饗祭焉望其碑者莫不流涕因名為墮淚碑

晉書羊祜傳

案隋志總集篇曰梁有羊祜墮淚碑一卷不著撰人舊志引襄陽者舊記云蜀人李安撰安初為荆州諸葛亮宅碣其文善及羊公卒碑文益工時人服其才云

荆州記晉范汪撰

史記正義藝文類聚汪流寓有傳

卷七隋志不著錄

隋志考證

荆州記晉庾仲雍撰

文選注仲雍里貫未詳

志九十一

藝文十五

外編

三

卷七隋志不著錄

隋志考證案仲雍為新野之庾與否無可考太平御覽引庾仲雍湘州記又一稱庾穆

之湘州記似穆之其名仲雍其字又案隋書經籍志有庾仲雍江記五卷漢水記五卷江漢二水庾氏記其源委其書不得專屬湖北今注於此

宜都山川記晉袁山松撰

唐書藝文志

隋志不著錄藝文類聚地部獸部初學記地部北堂書鈔天部並引袁山松宜都山川記或省文作宜都記

隋志考證案山松陳郡陽夏人宏

從昆弟行安帝時嘗官宜都太守晉書附見其祖瓌傳

宜都山川記一卷李氏撰

唐書藝文志案是書新唐志列齊劉澄之之次通志略列晉謝靈運之次今

從袁書類列而不標其時代

武昌先賢志二卷宋郭緣生撰

隋書經籍志

緣生宋天門太守里貫未詳新舊唐志皆作先賢傳又云三卷太平御覽人事部郭緣生武昌先賢傳曰郭翻字長翔為人非

已耕不食非妻織不衣隋志考證

荆州記三卷宋威弘之撰隋書經籍志案弘之里籍未詳據隋志嘗為臨川王侍郎餘無考近人善化

陳運溶有輯本

荆州記齊劉澄之撰初學記

澄之里貫未詳卷亡隋志不著錄隋志考證案隋志有齊都官尚書劉澄之永初山川古

今記二十卷司州山川古今記三卷當即其人

荆南地志二卷梁元帝撰隋書經籍志

太平御覽地部華容方臺山出雲母土人候雲所出處於下掘

取無不大獲此引蕭世誠荆南志又高沙湖在枚迴洲上徵士

宗炳昔嘗家焉又枝江縣界內洲大小凡三十七寰宇記四山

南東道枚迴洲北江呼為薔薇江又五葉湖側昔有人張被五

葉因以為名又巴山有巴復村在山北因曰巴山又荆潭以上

志九十一

藝文十五 外編

十三

為建水以下為漕水並引荆南志又石首陽岐山一事太平御

覽稱荆南記隋志考證案世誠元帝字

南雍州記六卷梁鮑至撰隋書經籍志

至里貫未詳通典州郡門注鮑至南雍州記曰城內有蕭相國

廟相傳謂城隍神唐志作鮑堅又作三卷隋志考證

荆州雜碑三卷梁撰人未詳隋書經籍志

江陵記伍端休撰太平御覽

卷亡隋志不著錄太平御覽地部州城北有楚平王家枝江班

竹岡又有平王家未知孰是又云城西北有大林春秋魯文公

六年楚大饑戎師於大林即此地也又云城東有曹公林建安

十三年曹操師頓此林因謂曹公林並引伍端休江陵記隋志考證

案端休始末未詳今以庾詵續其書當為齊梁間人故從列於此

武昌記史筌撰 北堂書鈔

筌時代里貫未詳卷亡隋志不著錄 隋志考證

案水經沔水注引荊州圖記荊州圖副記藝文類聚舟車部引荊州土地志三書隋志俱不著錄並不詳其時代撰人大抵皆六朝人所作附記於此

荆楚歲時記二卷唐杜公瞻撰 舊唐書經籍志 詳見前

襄沔記三卷唐吳從政撰 唐書藝文志 案宋志作襄沔雜記從政里籍未詳

從政刪宗懔荆楚歲時記盛弘之荊州記鄒閱甫楚國先賢傳習鑿齒襄陽耆舊傳郭仲產襄陽記鮑堅南雍州記集成此書其記襄漢事蹟詳矣從政景龍中人自號栖閑子 書錄解題

襄陽故事十卷唐盧求撰 唐書藝文志

求范陽人西川節度使白敏中從事

志九十一

藝文十五 外編

古

渚宮舊事十卷唐余知古撰 唐書藝文志 案今存殘本五卷補一卷

渚宮舊事十卷自鬻熊至唐江陵君臣人物事迹子史傳記所載悉纂取之 郡齋讀書志

渚宮舊事一名渚宮故事唐余知古撰其銜稱將仕郎守太子校書里貫則未詳也其書上起鬻熊下迄唐代所載皆荆楚之事故題曰渚宮書本十卷唐書藝文志著錄今本惟存五卷止於晉代考晁公武讀書志載渚宮故事十卷則南宋之初尙為完本至陳振孫書錄解題所言已與今本同則宋齊以下五卷當佚於南宋之末元陶宗儀說郛節鈔此書十餘條晉以後乃居其七疑從類書引出非尙見原本也唐志載此書注曰文宗時人又載漢上題襟集十卷注曰段成式溫庭筠余知古則與段溫二人同時倡和此書皆記楚事其為游漢上時所作更無

疑義陳氏以為後周人已屬譌誤通考引讀書志之文併脫去  
余字竟題為唐知古撰則謬彌甚矣今仍其舊為五卷其散見  
於他書者別輯為補遺一卷附錄於後焉四庫提要

謝亭詩一卷崇文總目

謝亭詩一卷唐李遜鎮襄陽以所送行詩筆於襄陽謝亭通志

略案宋藝文志有許孟容謝亭詩集一卷似即此集

渚宮唱和集二十卷 峴山倡詠集八卷唐裴均撰唐書藝文志

均字君齊聞喜人累擢荆南行軍司馬就拜節度使唐書裴行儉傳案

志又載均有荆潭倡和集一卷荆變倡和集一卷

漢上題襟集十卷唐段成式撰唐書藝文志

漢上題襟集三卷唐段成式温庭筠逢皓案文獻通考作余知崔皎無逢皓名書錄解題案宋史

古韋蟾徐商等倡和詩什往來簡牘蓋在襄陽時也書錄解題案宋史

志九十一

藝文十五 外編

五

藝文志作十卷晁志並同惟陳錄作三卷異

峽程記一卷蜀韋莊撰宋史藝文志

莊字端已杜陵人唐乾寧九年第進士授校書郎轉補闕後仕

蜀王建至吏部侍郎同平章事十國春秋

送王周歸江陵詩二卷宋杜衍等撰宋史藝文志

蘇軾書王太尉送行詩後曰送行詩上下二卷凡六十有六人

慶曆皇祐閒朝廷號稱多士故光祿卿贈太尉王公挂冠歸江

陵多一時之傑非獨以見王公取友之端亦足以知朝廷得士

之美東坡集案歐陽文忠集有送王周歸江陵序

上卷三十三人杜衍賈黯宋敏求司馬光王安石蘇渙王疇邵

亢元絳王純臣呂夏卿張瓌何涉謝仲弓陳洙胡恢王舉正趙

概張揆曾公亮王珪王洙曾公定胡宿范鎮李復圭張芻吳幾

復范百之晁仲衍石揚休李絢來敏修下卷三十三人丁度郭勸齊廓馬仲甫令狐挺施昌言呂居簡孫沔劉瑾馮浩黃灝韓鐸李師中辛若渝李壽朋劉參張師中李先楚秦洪亶周廷雋錢延年解賓王黃從政孟詢閻顯謝徽張攷吳可幾范寬之張

中庸鮑光閔從周嘉慶志 案周宋史無傳行迹未詳杜正獻詩見漁隱叢話有日鑑湖賀老非陳迹荆渚

朱公合比肩謂朱昂也 知周必為江陵人矣

高氏世家十卷宋史藝文志 案新五代史南平世家高季興字

同光乙年封南平王子從誨從誨子保融保融弟保勛及兄子繼冲宋乾德元年納土歸降國除傳龔凡四世五帥五十七年

此高氏世家大略也 亦稱荆南又稱北楚

唐質肅遺事一卷宋撰人未詳文獻通考

無名氏所記唐介子方事也書錄 解題

夢野亭詩宋王琪編輿地紀勝

夢野亭郡守王琪作於子城西南隅琪為之記晏殊宋祁吳育

楊徽之蘇紳石延年皆有詩今名夢野奇觀同上

襄陽題詠宋謝景初編輿地紀勝

景初元豐四年通判襄州編集古今詩名襄陽題詠凡一百三

十首同上

漢南酬倡集一卷宋許份撰宋史藝文志

份閩人官龍圖閣學士襄陽府志

江陵集古題詠十卷宋唐愈編宋史藝文志 愈里貫未詳

黃州圖經四卷附錄一卷宋李宗諤等撰書錄解題

李宗諤祥符閒所修圖經亦頗有後人附益者郡守李訖又以

近事為附錄焉訖參政邠漢老子也同上 案宋史藝文志誤訖為說又誤合為一書曰

李說黃州圖經五卷





開禧德安守城錄一卷宋王致遠撰 刊本

永嘉王忠敏公允初者通判德安實繼陳規之後以守城著名被圍至百有八日其時郡守李師尹懦不解事宜撫使所遣援兵率觀望不前百計支拒卒完其城其子提刑致遠有守城錄之作顧世罕傳帙故宋史遂不為忠敏立傳又並守城事屬之師尹則元時修史諸臣之疏也王書久無著錄編素黜黯幾於淪失同治丁卯始從忠敏裔孫仲蘭孝廉處得此錄寫本乃其族纂修譜牒時逐謄副帙猶宋本之舊也 孫詒讓跋

辛巳泣斬錄一卷宋趙與袞撰 四庫存目

與袞宗室子官蘄州司理權通判事寧宗嘉定十四年金兵圍蘄州與袞偕郡守李誠之拒守時朝命權殿前司職事馮櫛將兵應援櫛逗遛不進誠之等竭力捍禦凡二十五日而城陷誠

志九十一 藝文十五 外編 六

之及其僚佐家屬皆死之與袞全家十五人亦並歿於難僅以身免其後事定乃為是錄具詳被兵始末同時與難諸人朝廷褒贈誠之等勅狀告詞一一備錄案與袞宋史誠之傳作與裕蓋袞轉為裕因偽為裕又載與袞率民兵百餘人奪關外出云云與是編所言單身出城及於積屍中死而復活夜半奔從南門之語俱有異同且十五人作十六人其數亦不相合疑十五人之數當以自敘為據其奪關外出則自敘諱之也 同上

襄陽風景古蹟詩一卷宋王佑撰 宋史藝文志 佑里貫未詳

南紀集五卷後集三卷 書錄解題

知漢陽軍于寔教授施士衡撰其後集則教授鞏豐也 同上 案宋志

遺其後集王象之輿地紀勝云南紀樓在漢陽軍治夏倪均父有南紀樓詩寔士衡里籍未詳豐東平人倪蘄州人有遠遊堂集見前編

南紀別集一卷宋湯邦傑編宋史藝文志

邦傑里貫未詳嘉慶志

齊安集十二卷宋許端夫撰宋史藝文志案端夫不知何許人據王象之輿地紀勝卽撰齊安拾遺者

齊安雜詠宋撰人未詳嘉慶志

薛季宣浪語集有聞齊安雜詠板成從沈守求印蒙贈詩云使君好客非春申一夔已足無餘人哦詩五百盡清醒立使江山

景物新又云使君好善人如己鏡板巾箱波遠邇似卽齊安沈

某與賓客同撰同上

安陸酬倡集六卷宋倪恕編宋史藝文志

恕不詳何許人嘉慶志

秭歸集八卷宋鍾興編宋史藝文志興里貫未詳

志九十一

藝文十五 外編

九

鄧州白雪樓詩一卷宋撰人未詳宋史藝文志

蕭德秀序同上

惠泉詩一卷宋蔡驛編宋史藝文志

驛不詳何許人嘉慶志

峽山履平集一卷宋司馬儼撰宋史藝文志

峽江利涉集一卷宋潘子韶撰宋史藝文志

均州圖經五卷宋段子游撰宋史藝文志案儼子韶子游里貫均未詳

房州圖經三卷宋陳宇撰宋史藝文志案書錄解題卷數同郡守昆陵陳宇撰

復州圖經三卷宋撰人未詳宋史藝文志

郎官湖小志元黎崱撰漢陽志

崱字景高號東山安南人晉交州刺史阮敷之後世居愛州幼與黎瑋爲子因從其姓九歲試童科仕其國至侍郎佐靜海軍

節度使陳鍵幕至元中世祖伐安南鍵率勦等出降其國邀擊之鍵沒於軍勦入朝授奉議大夫居於漢陽撰安南志略廬山游記等書是編其僑居時作也

同上案則互見流寓

偽本楚史構杌一卷

四庫存目

楚書構杌偽本一卷案晉乘楚構杌隋唐宋志及崇文中興等

目俱無之即明文淵閣書目亦未有不知何時何人爲此而託

序於吾邱子行

經義考

楚史構杌一卷凡二十七篇皆撫左傳國語說苑新序及諸子書彙而次之考王禕集有吾邱子行傳記衍所著各書甚悉中有晉文春秋楚史構杌二書之名張習孔雲谷卧餘續亦云衍作俱未嘗云衍得此二書然則衍特撫拾舊事偶補二書之闕原非作偽傳其書者欲以新異炫俗因改晉文春秋爲晉乘以

志九十一

藝文十五

外編

三

合孟子所述之名併偽撰衍序冠之耳序文淺陋亦決不出衍

手也

四庫存目案衍錢塘人

後梁春秋二卷明姚士舜撰

四庫存目

士舜字叔祥海鹽人國子監生是書以後梁主蕭詧爲武帝冢孫宜嗣梁祚武帝奪嫡而立簡文卒致覆滅而詧附魏立國凡歷三主三十三年乃亡能保其祀北史及周隋二史記載頗略故作此書欲以管續梁正統用編年之法採取史傳旁摭文集因時表事因事附人排比具詳其間如詧通魏後即用北魏紀年而不書太清之號以絕元帝於梁又於陳諸帝皆直書其名以示黜貶之意然詧爲昭明第三子原非必應得國之人其立也又非受國於武帝值是時弟兄構釁同氣相屠借魏朝兵力獲奉宗祧僅區區守江陵三百里之地身爲附庸北面事人其

事實無可稱士彝此書與以南唐為正統者同一偏僻王士禛  
居易錄稱士彝此書惜未見之殊不知其無可取也上同

襄陽外編明顯道洪撰

四庫存目

道洪字嗣圖無錫人是編作於萬曆中首繪孟浩然像併錄採  
史書本傳暨諸家贈答題咏之作復以古今詩話附列於後所  
採上起乎唐下迄於明然王士元浩然集序近在耳目之前乃  
反佚之何也上同

米襄陽外紀十二卷明范明泰撰

四庫存目

明泰字長康嘉興人是編紀米芾遺事分恩遇顛絕潔癖嗜好  
塵談書學畫學譽羨書評畫評雜記考據十二門多不著出典  
未足依據亦時有舛訛如恩遇第一條云皇祐二年詔米芾以  
黃庭小楷作千字文考芾生於皇祐三年辛卯則所稱寫千字

志九十一

藝文十五

外編

三

文在未生前一年矣有是理乎

同上 案明泰又有米芾志林

事者又有明郭化蘇米譚史毛晉蘇米志林諸家其專為芾作  
者又有元陸友仁米海岳遺事一卷清翁方綱米海岳年譜一  
卷附志於此

承天大志記錄事實三十卷明王之垣撰

明史藝文志

王之垣承天大志基命紀錄事實三十卷隆慶元年編進之垣  
號見峯山東新城人士禎之曾祖也嘉靖壬戌進士時以都御

史巡撫湖廣

千頃堂書目

鄭臺志略九卷明徐桂撰

四庫存目

桂潛山人嘉靖乙未進士官鄖陽府知府先是成化初原傑撫  
定荆襄流民置鄖陽府設提督撫治一員鎮之嘉靖二十五年  
慈谿葉照以右副都御史領其任桂等輯比事略為此書前二  
卷載建置輿地公廨官職後七卷為劄奏政賦兵防著述所載

有嘉靖以後事則金臺于湛等繼爲撫治又附益之也同上  
楚臺記事七卷明李天麟撰四庫存目

天麟字公振武定人萬曆庚辰進士官監察御史巡按湖廣是書即在湖廣所作分地理圖說爲四卷兵糧圖說爲三卷又雜載章奏禮儀堂規供應等舊例猥雜煩瑣與書吏簿籍無異其載賦餽賀儀銀數多寡以官階大小爲準可見當時苞苴陋習而公然載之簡牘尤足徵明政之不綱也同上

撫鄖疏草明梁應澤撰順天府志

應澤字射斗宛平人萬曆乙未進士隆慶丁卯以右僉都御史撫治鄖陽應詔陳天下大計兵餉爲先宜使戶兵督撫合爲一人籌餉練兵合爲一事崇禎己巳流賊出沒川陝討殲之著有

撫鄖疏草順天志先賢傳

志九十一

藝文十五 外編

鄖事紀略一卷明王禹聲撰明史藝文志禹聲宦績有傳

紀楚中稅監激變事嘉慶志

勘楚始末一卷明朱賡撰明史藝文志

賡浙江山陰人是書見紹興府志嘉慶志

勘楚紀事一卷明蔡獻臣撰明史藝文志

獻臣里籍未詳或云當時撫按官也

楚宗招擬一卷千頃堂書目

遼國世系四卷千頃堂書目

楚王宗文文冊一卷千頃堂書目三書均未詳撰人

楚寶四十五卷明周聖楷撰四庫存目

聖楷字伯孔湘潭人是書編錄楚中人物名勝分二十五門曰大臣曰名臣曰大將曰智謀曰諫諍曰文苑曰良史曰命使曰

典故曰真儒曰諸子曰孝友曰忠義曰獨行曰真隱曰列女曰方技曰異人曰宦蹟曰遷寓曰山水曰名祀曰列仙曰名釋曰祖燈悉錄史志原文亦間有考證前有總論四條一曰定區域以尊王二曰別人物以徵博三曰約論註以歸雅四曰考遺勝以闕疑高世泰序稱其人物十九名勝十一古文十九今文十一大致以人物為主而稍以山水古蹟附之既非傳記又非輿圖在地志之中別爲一例姑從其多者爲主附之傳記類焉四庫存目 案千頃堂書目有高世泰楚寶四十五卷似卽此書而誤周爲高者又近時有新化鄧顯鶴本卷目悉仍其舊而每門之後附以考異考異後增輯所未收者凡若干條後五卷列仙名釋祖燈三門別曰外編云

三楚文獻錄明高世泰撰

江陵志

世泰無錫人忠憲公從子官湖廣提學道崇禎壬午修三楚文獻錄一時知名士如汪三奇劉醇驥易爲鼎諸人皆與焉案今

志九十一

藝文十五

外編

三

黃岡志載有龍墳三楚文獻錄高思忠三楚文獻錄蘄州志載有李本晟三楚文獻錄俱無卷數蓋皆分纂其書者是書亦名四朝文獻錄采訪冊

楊忠節實錄二卷

千頃堂書目

明德安知府胡某爲楊漣作同上案世善堂書目亦作二卷麻城藝文志有梅之煥忠節實錄

序云德守胡公甫下車卽爲之傾囊贖宅捐俸建祠且錄忠節實蹟壽諸梓卽此

忠烈錄一卷明撰人未詳

傳是樓書目

忠烈錄一卷三本記吳裕中事

同上

太岳太和山志十五卷明任自垣撰

明史藝文志

道士任自垣編自垣號瞻宇爲太和山提點仁宗嘗爲瞻宇歌

賜之又有太和山志蒐遺三卷

千頃堂書目

太和山志十五卷明彭簪撰

絳雲樓書目

太岳志明方升撰

嘉慶志 案簪升均不知何許人錢曾述古堂書目有太嶽太和山志九卷太嶽志略四卷並

不著撰人

太岳太和山志十七卷明田玉撰

四庫存目

玉不知何許人萬曆中宦官也太和山即武當山相傳為北極元武修真地明成祖即位時自謂得神之佑因尊為太嶽勅建宮觀常遣內臣司其香火嘉靖閒提督太監王佐始創為志太監呂評續增之萬曆癸未玉復增廣為此本前載修建廟宇始末事實並仙蹟徵應物產後載唐宋元明序記詩賦等作

同上

三忠集十四卷明郭惟賢編

四庫存目

惟賢晉江人萬曆甲戌進士官至左副都御史是集乃其官湖廣巡撫時所編前有萬曆甲午自序謂屈原秭歸人孔明南陽人岳忠武雖起家湯陰而封鄂王苗裔迄今在武黃閒均以楚

志九十一

藝文十五

外編

五

稱故合為一編凡離騷七卷武侯集忠武集四卷

同上

襄陽名蹟錄明馬朴撰

千頃堂書目

朴朝邑人

同上

古黃遺蹟集一卷明盧濬撰

黃州府志

濬弘治中官黃州知府輯黃州古蹟題詠大旨以詩賦為主而以唐許遠祠祭文三篇錯雜諸詩之內又宣聖遺像碑記亦附卷末至王禹偁黃岡竹樓記在耳目之前者轉不采亦莫喻其故也

四庫存目

漢東郡考明張四知撰

千頃堂書目

四知汝陽人嘉靖庚戌進士官至浙江按察僉事

赤壁集明茅瑞徵編

持靜齋書目

瑞徵令黃岡既留心邑乘編輯成書又采一時之文苑著為赤



壁集

江夏小史明陳鑑撰

嘉慶志

鑑字子明廣東人崇禎舉人任江夏教諭著小史詳載風土人

物蔚然成一家言

江夏志

潛江縣修城記明撰人未詳

述古堂書目

穀城水運紀略一卷清楊素蘊撰

四庫存目

素蘊官荆南道時會大兵勦吳三桂軍儲陸運頗艱因訪明季

楊嗣昌勦張獻忠時水運故道修復緯路裒其文移以成是編

同上

黃鶴樓詩傳清毛會建編

漢陽志

會建流寓有傳

是編輯黃鶴樓古今人詩漢陽志又載其有五游草字韻兩書

謂皆有關於邑事

志九十一

藝文十五

外編

五

珍逆紀略一卷清張芑撰

嘉慶志

芑宦績有傳

紀康熙二十七年平裁兵夏逢龍之亂

鄂渚紀事一卷清查昇撰

嘉慶志

昇字聲山海寧人官翰林學士

嘉魚平寇錄一卷清龐鑣撰

嘉慶志

陳宏謀序曰龐右魯先生作令嘉魚適武昌裁兵倡亂嘉魚在

武昌上游先生招集壯勇晝夜捍禦賴以保全令子鑣通判廬

州哀集當年辦賊時文檄書牘並錄嘉魚志書所載碑傳為一

編

案穎宜績有傳

靖變紀略一卷清段嘯生撰

嘉慶志

嘯生里貫未詳記康熙五十三年按察使張連登誅亂民王爾

寅等事

同上

警心錄二卷清湯應求撰嘉慶志應求宦績有傳

應求雍正時署麻城知縣紀縣人楊同範等誣控涂如松殺妻楊氏一案陳鼎序

楚風補五十卷清廖元度編四庫存目

元度字大隱長沙人是書成於康熙丙子乾隆丙寅長沙知府呂肅高重為刪定刻之然假借牽附不一而足蓋州縣志書率多附會先賢借為光耀元度乃據志書以為之宜其至於如是

也同上案湖北府縣各志多引廖氏楚詩紀似即是書之異名

隨北忠烈錄清程彥撰隨州志

彥字十泉歙縣人道光中任蘄州州同安陸知府周啓嘉序曰嘉慶元二年間流寇竄入隨境大兵未集州刺史集民間子弟謀守禦之策擾攘經年始定迄於今五十餘載矣程君十泉名

志九十一

藝文十五 外編

五

家子來佐州治數年博採旁稽得死難者五百餘人筆之於書同上

赤壁志清賈鉉撰嘉慶志

鉉字可齋鑲藍旗人康熙三十二年任黃州知府黃州府志

太岳太和山紀略八卷清王概撰嘉慶志

概字戒木諸城人雍正癸丑進士官至兩廣鹽運使是編乃概官分守安襄鄖兵備道時所作凡十類曰星野曰圖考曰山川曰聖紀曰宮殿曰祀典曰仙真曰物產曰拾遺曰藝文較舊志蒐輯頗富而亦不免於蕪雜四庫存目

漢口漫志清黃承增撰漢陽志

承增字心盦歙縣人工詩詞嘗三至漢口同上

湖北金石詩一卷清嚴觀撰連筠蓀叢書

觀字子進江寧人自識云作客武昌獲讀湖北現存金石文字七十八種各系一詩以誌欣賞嘉慶二年四月

案是書有馬紹基注馬官湖北

通判里貫未詳

漢口叢談六卷清范鏞撰

南潯鎮志

鏞初名音字聲山號白舫烏程人例貢生工詩尤善詞中歲遠

遊四方磊落好交寓意鹽筴往來楚蜀者三十年留心掌故僑

寓漢上著漢口叢談

同上案其書紀漢鎮水道風土物產人文明魏晉封竹中記惟賴是書錄載以存

其後數卷略如詩話亦有不關乎漢口者

六合紀事四卷清周長森撰

采訪冊

長森字蓮叔六合人諸生記江夏温壯勇守城殉難事長森時

在壯勇幕中自言軍事起無役不從所紀皆實錄也

湖北節義錄十二卷補遺一卷清黃昌輔編

刊本昌輔宦績有傳

志九十一

藝文十五

外編

三

同治九年閏十月總督李瀚章序曰粵寇之亂鄂城凡三陷官

斯土者多以死勤事搢紳之家下至編氓婦孺義不辱賊捐軀

以殉者尤眾益陽胡文忠公甫復省垣即寅局搜採未竟公卒

黃虎卿太守踵其事閱十二年而成書題曰湖北節義錄

黃鵠山志十二卷清胡鳳丹撰

采訪冊

鳳丹字月樵永康人同治中以道員需次湖北提調崇文書局

是志凡名勝四卷流寓仙釋祥異合一卷金石一卷藝文六卷

大別山志十卷清胡鳳丹撰

采訪冊

首為大別山晴川閣月湖三圖次名勝次仙釋次金石第四卷

以下皆藝文之屬也

鸚鵡洲小志四卷清胡鳳丹撰

采訪冊

首冠以洲之古圖今圖次名勝一卷藝文三卷

萬城隄志十卷志餘一卷清倪文蔚撰 刊本

文蔚字豹岑望江人進士同治十一年任荊州知府志餘則載

荆屬民隄及疏築備考 采訪 冊

萬城隄續志十卷清舒惠撰 刊本

舒惠字暢亭滿洲旗人官荊州知府 采訪 冊

以上凡一百十四部

志九十一

藝文十五

外編

三

藝文志十五